



Concello de Lugo

O Concello de Lugo, co fin de elixir o cartel anunciador das festas patronais SAN FROILÁN 2019, convoca o PREMIO DE DESEÑO GRÁFICO "SAN FROILÁN 2019", de acordo coas seguintes

BASES:

1ª. - Poderán concorrer cantas autoras e autores o desexen, con traballos de técnica libre, presentando cada persoa cantas obras considere oportunas, sendo condición indispensable que as obras sexan orixinais.

2ª. - Os deseños contribuirán a exaltar a cidade de Lugo e as súas festas patronais de San Froilán. Deberán incluír o texto:

- LUGO, SAN FROILÁN 2019

- 4-12 DE OUTUBRO

- a imaxe corporativa do Concello*

- Festa de Interese Turístico Galego. Festa de Interese Turístico Nacional.

-www.sanfroilan.info

- os logotipos das redes sociais existentes: Instagram, Twiter, Facebook e Youtube.

3ª. - A autora ou autor do deseño que resulte gañadora ou gañador recibirá un premio dotado con 2.000,00 €. Este premio estará suxeito a unha retención do 15% de acordo co Real decreto lei 26/2014, do 27 de novembro, polo que se modifica a Lei 35/2006, do 28 de novembro, do imposto sobre a renda das persoas físicas.

4ª. - O deseño gañador será empregado como cartel anunciador do "San Froilán 2019", e o Concello de Lugo poderá reproducilo no tempo e forma que estime oportuno.

O cartel gañador será propiedade do Concello, que poderá cedelo a terceiros. As autoras ou autores renuncian a todos os dereitos de explotación, unicamente conservarán os dereitos de autoría para incluílo no seu currículo.

5ª. - Entrega de traballos:

Poderá facerse desde a convocatoria ata o xoves 23 de maio, en formato dixital JPG, cunhas dimensións de 50x70 cm. e con 72 ppp de resolución (1417x1984 píxeles). Non se admitirán obras que cheguen pasado ese día.

Poden presentarse de tres modos:

- Persoalmente na concellería, en soporte CD ou lapis de memoria.

- Por correo postal certificado dirixido á Concellería de Cultura, Turismo, Xuventude e Promoción da Lingua, praza Maior 1, 27001 Lugo (neste caso, será necesario



MURALLA
patrimonio da humanidade

que envíe unha copia escaneada da folla de envío de Correos á conta de correo-e cultura@concellodelugo.org o día que se realice o envío)

- Por correo electrónico ao enderezo cultura@concellodelugo.org, indicando CARTEL SAN FROILÁN 2019.

Non obstante, se algún participante o desexa e para unha mellor valoración da súa proposta, tamén pode entregar o cartel montado a sangue sobre cartón pluma de 5 ou 10 mm e a un tamaño de 50x70 cm.

6ª.- Os traballos deberán ser presentados de xeito anónimo, identificándoos cun lema.

En documentos á parte do cartel, acompañará:

1. Plica, identificada co mesmo lema có cartel, que conterá todos os datos persoais da autora ou autor: nome, apelidos, enderezo completo, correo-e e teléfono.
2. Copia escaneada do DNI ou equivalente.
3. Copia escaneada da declaración xurada que figura no anexo I destas bases.

Presentaranse anexados ou xuntos, se o envío se fai por correo-e ou en sobre pechado, con lema no exterior, se se fai en papel.

A organización resérvase o dereito de exclusión das obras nos seguintes casos:

- Cando se incumplan un ou varios puntos destas bases.
- Cando a participación se faga empregando datos falsos ou haxa indicios de que o son, se a persoa non verifica os seus datos no prazo outorgado.
- Cando os carteis presentados non se axusten ao tema do concurso.

7ª. - A gañadora ou gañador deberalle facilitar ao Concello, nos prazos que este indique, o arquivo orixinal por capas para a promoción, comunicación e sinalización do evento.

8ª. - Os carteis deberán evitar calquera tipo de propaganda subliminar que poida inducir ao consumo de alcohol ou calquera outro tipo de drogas, segundo a lexislación vixente.

9ª.- As obras presentadas serán exhibidas nas redes sociais, a través das que se fará unha votación popular da que se seleccionarán as obras que se someterán a votación do xurado.

Unha vez realizada a votación on-line, seleccionaranse o seguinte número de carteis:



Concello de Lugo

- Se o número de carteis presentados non supera os 50, seleccionaranse os 10 máis votados.

- Se o número de carteis supera os 50, seleccionaranse 10 e a maiores o 10% do número de carteis presentados.

O prazo para a votación estará aberto desde as 12.00 horas do 27 de maio ata as 12.00 horas do 31 de maio. Unha vez feito o recuento de votos, farase pública a selección a través da web, das redes sociais oficiais do San Froilán e da páxina web do Concello www.lugo.gal

10ª. - O xurado estará formado por persoas cualificadas na materia, e será o encargado de seleccionar a obra gañadora entre as seleccionadas previamente por votación popular o día 5 de xuño ás 11:00 horas no Concello de Lugo.

11ª. - As persoas participantes someteranse á decisión do xurado, que resolverá sobre calquera dúbida non prevista nestas bases. No caso de facerse unha entrega pública, a gañadora ou gañador do certame comprométese a recoller persoalmente o premio ou facerse representar debidamente no acto.

12ª. - As persoas participantes responsabilízanse totalmente de que non existen dereitos de terceiros nas obras presentadas.

13ª.- Os carteis premiados quedarán en propiedade e uso exclusivo do Concello de Lugo. As e os autores cederanlle á institución os dereitos totais de exhibición e reprodución das obras premiadas.

14ª. - As e os gañadores dan o seu consentimento para que o seu nome apareza nos materiais informativos e promocionais, xa sexan impresos ou dixitais do Concello de Lugo. Co fin de poder levar a cabo cantas accións promocionais e de difusión do concurso que considere necesarias a organización, todas as persoas participantes cederanlle ao Concello de Lugo, con carácter gratuíto, os dereitos de reprodución e comunicación pública das obras presentadas ao concurso. A cesión dos dereitos permitiralle ao Concello de Lugo transformar as obras tecnicamente na medida en que será necesaria para adecualas ao formato, imaxe ou aparencia de Internet ou calquera outra tecnoloxía susceptible de adscrición a Internet, así como a reproducilas nos soportes físicos que se consideren convenientes.

15ª. - O simple feito da presentación ao concurso supón a plena aceptación destas bases.



Concello de Lugo

*

ANEXO I
DECLARACIÓN XURADA
CONCURSO CARTEL SAN FROILÁN 2019
CONCELLO DE LUGO

Dona/Don.....,
con DNI..... como autora ou autor da/s obra/s
titulada/s:.....
.....
.....

DECLARO

Que o cartel ou carteis presentados ao concurso son inéditos e da miña autoría.

Que non recibiron outros premios ou distincións pola participación noutros concursos de similares características.

Que é a única ou o único titular dos dereitos de autoría do cartel e que me fago responsable de calquera tipo de reclamación, eximindo ao Concello de Lugo da devandita responsabilidade.

..... de..... de 2019